



basic education

Department:
Basic Education
REPUBLIC OF SOUTH AFRICA

**NATIONAL
SENIOR CERTIFICATE**

IBANGA LE-12

ISIZULU ULIMI LOKUQALA LOKWENGEZA (FAL)

IPHEPHA LESITHATHU (P3)

NOVEMBA 2024

AMAMAKI: 100

ISIKHATHI: Amahora ama-2½

Leli phepha linamakhasi ayi-6.

IMIYALELO KWABAHLOLWAYO

1. Leli phepha lehlukaniswe IZIQEPHU EZINTATHU:
ISIQEPHU A: Indaba (50)
ISIQEPHU B: Imibhalo emide edlulisa imiyalezo (30)
ISIQEPHU C: Imibhalo emifishane edlulisa imiyalezo (20)
2. Phendula umbuzo OWODWA esiqeshini NGASINYE.
3. Bhala ngolimi ohlolwa ngalo.
4. Qala umbuzo NGAMUNYE ekhasini ELISHA.
5. Hlela umsebenzi wakho ngamaphuzu (uhlaka) noma ngebalazwe (mind map), ulungise amaphutha bese uyawufundisisa. Uhlelo/uhlaka MALWANDULELE umbhalo ngamunye.
6. Ukuhlela makukhunjiswe ngokubhala igama elithi uhlelo/uhlaka bese kuyethulwa. Kuyancomeka ukuba kudwetshwe umugqa phezu kwemisebenzi yonke yokuhlela.
7. Uyayalwa ukuba usebenzise isikhathi sokubhala ngale ndlela elandelayo:
ISIQEPHU A: Amaminithi angama-80
ISIQEPHU B: Amaminithi angama-40
ISIQEPHU C: Amaminithi angama-30
8. Bhala izinombolo zezimpendulo ngendlela ezihlelwe ngayo kuleli phepha.
9. Nikeza impendulo NGAYINYE isihloko esifanele.
10. UNGAZIBALI izihloko nezihlokwana lapho usubala inani lamagama omsebenzi wakho.
11. Bhala ngobunono nangesandla esifundekayo.

ISIQEPHU A: INDABA

UMBUZO 1

Khetha isihloko ESISODWA kwezilandelayo ubhale ngaso indaba ibe ngamagama ayi-190 kuya kwangama-240.

QAPHELA: Bhala uhlaka lwendaba yakho lube sekhasini lwalo lodwa.

- | | | |
|-----|---|------|
| 1.1 | Bavele Baphela Nya Ubuthongo | [50] |
| 1.2 | Le nto Angisoze Ngayikhoiwa Impilo Yami Yonke | [50] |
| 1.3 | Ngavele Ngabona Ngezithombe | [50] |
| 1.4 | Ubuhle Nobubi Bokuqasha Amalungu Omndeni Ebhizinisini | [50] |
| 1.5 | Kukhona Abantu Abangeke Bashintshe noma Ngabe Isimo Sinjani | [50] |

Khetha isithombe ESISODWA kulezi ezilandelayo bese ubhala indaba. Bhala inombolo yombuzo (1.6, 1.7 NOMA 1.8) bese uyinika isihloko indaba yakho.

QAPHELA: Indaba yakho mayihambisane nesithombe/nokwenzeka esithombeni.

1.6



[Sicashunwe ku-www.google.com]

[50]


1.7



[Sicashunwe ku-www.google.com]

[50]

1.8



[Sicashunwe ku-www.google.com]

[50]

AMAMAKI ESIQEPHU A:

50

ISIQEPHU B: IMIBHALO EMIDE EDLULISA IMIYALEZO

UMBUZO 2

Khetha isihloko ESISODWA kwezilandelayo ubhale ngaso kube ngamagama angama-80 kuya kwayi-100.

2.1 INCWADI YOBUNGANI

Umngani wakho uthukuthele kakhulu ngoba uqambe amanga ngaye. Lokhu sekwenze ukuthi nabanye abangani bangabe besamkhulumisa.

Bhalela umngani wakho **incwadi** uxolise ngalesi senzo sakho.

[30]

2.2 I-AJENDA NAMAMINITHI OMHLANGANO

Umndeni wakho nezihlobo babenomhlangano omkhulu wokuhlela ukuvakashela eMelika ngamaholidi kaDisemba/Zibandlela.

Bhala **i-ajenda namaminithi omhlangano** ebeninawo.

[30]

2.3 INKULUMO-MPENDULWANO/INGXOXO

Usesitolo uzothenga izingubo ozozigqoka emshadweni kadadewenu. Manje ucele omunye wabasizi abadayisa kulesi sitolo ukuba akusize.

Bhala **inkulumo-mpendulwano/ingxoxo** ephakathi kwakho nomsizi wasesitolo.

[30]

2.4 I-IMEYILI

Funda i-imeyili elandelayo bese ubhala impendulo.

Iya ku: Helen Nzama:
Isihloko: Ukufundisa abantwana ukudansa
Helen, Ngiyathemba le imeyili izokuthola uphilile. Ngicela uzongilekelela la estudiyo sami ngokufundisa abantwana ukudansa. Inkinga enginayo ukuthi sebebaningi ababhalisile, yingakho ngidinga usizo. Ngizozwa ngawe. Melo Putin
QAPHELA: Impendulo yakho ayilande isakhiwo esihambisana nombhalo we-imeyili.

[30]

AMAMAKI ESIQEPHU B: 30

ISIQEPHU C: IMIBHALO EMIFISHANE EDLULISA IMIYALEZO

UMBUZO 3

Khetha isihloko ESISODWA ubhale ngaso kube ngamagama angama-60 kuya kwangama-80.

3.1 IKHADI LESIMEMO

Isikole sakho sizoba nomdlalo wasesiteji wencwadi ethi: 'Icala Kaliboli.'

Bhala **ikhadi lesimemo** ozomema ngalo ezinye izikole.

[20]

3.2 IDAYARI

Uyoqala imfundo yakho **ephakeme** enyuvesi yaseKapa ngomhla lu-1 kuFebruwari/kuNhlolanja 2025.

Bhala **idayari** yezinsuku ezintathu ngamalungiselelo ozowenza ngaphambi kokuya enyuvesi.

[20]

3.3 IMIYALELO: IRESIPHI

Buka lezi zithombe ezilandelayo bese ukhetha izithako ongazisebenzisa ukwenza ibhega yakho ozoyiphatha esikoleni.



Bhala **iresiphi** yokwenza ibhega.

[20]

AMAMAKI ESIQEPHU C:
AMAMAKI ESEWONKE:

20
100



basic education

Department:
Basic Education
REPUBLIC OF SOUTH AFRICA

**NATIONAL
SENIOR CERTIFICATE**

Stanmorephysics.com **IBANQA LE-12**

ISIZULU ULIMI LOKUQALA LOKWENGEZA (FAL)

IPHEPHA LESITHATHU (P3)

UMHLAHLANDLELA WOKUMAKA

NOVEMBA 2024

AMAMAKI: 100

Lo mhlahlandlela wokumaka unamakhasi ayi-12.

ISIQEPHU A: UMHLAHLANDLELA WOKUMAKA IZINDABA

QAPHELA:

- Ngaso sonke isikhathi sebenzisa irubhrikhi uma umaka umbhalo wokuziqambela (Iphepha lesi-3, ISIQEPHU A).
- Amamaki ukusuka ku: 0–50 ahlukaniiswe ngamazinga amahlanu ngokwezinkomba.
- Okubonwa ngakho okuqukethwe, ulimi & isitayela, inkomba ngayinye kumazinga amahlanu, ihlukaniswe izingxenywe ezimbili kuye ngokwabiwa kwamamaki. Kunengxenywe engenihla kanye nengezansi.
- Isakhiwo sona asithinteki ekuhlukaniseni ngokwezingxenywe. Ayikho ingxenywe engenihla noma engezansi.

ISIQEPHU A: AMARUBHRIKHI OKUHLOLA I-ESEYI: ULIMI LOKUQALA LOKWENGEZA [AMAMAKI ANGAMA-50]

Okungabonwa ngakho		Okungavamile	Okunekhono	Okusendimeni	Okuqalisayo	Okunganelisi
OKUQUKETHWE NOKUHFLELA (Izipendulo kanye nemibono) Ukudidiyelwa kwemibono ngenhloso yokuhlela Ukuqonda inhloso, izethameli nesimo. AMAMAKI ANGAMA-30	Ingxenywe engenihla	28–30	22–24	16–18	10–12	4–6
		-Iimpindulo enembayo ngaphezu kobekulindelekile -Imibono ekhaliphile, echukuluza ingqondo kanye nekumbisa ukuvuthwa komqondo -Ihleleke ngobunyoninco kanye nokulandela (nokuxhumana) kubandakanya isingeniso, umzimba kanye nesiphetho	-Iimpindulo yakheke kahle -Imibono eshaya emhloveni nehlabahlosile enokuvuthwa komqondo -Ihleleke kahle kakhulu kanye nokulandela (nokuxhumana) kubandakanya isingeniso, umzimba kanye nesiphetho	-Iimpindulo eyanelisayo -Imibono inakho ukulandela nokushaya emhloveni -Ihleleke ngokusendimeni kanye nokulandela (nokuxhumana) kubandakanya isingeniso, umzimba kanye nesiphetho	-Iimpindulo ikumbisa ukungahlangani -Imibono engacacile nokungeyona eyokuzisungulela -Kukhona okukumbisa ukuhlela okuncane nokulandela	-Iimpindulo enhlanhlathayo -Imibono edidayo nengamemi -Akuzwakali, kunokuphindaphinda -Akukho ukuhlela kanye nokulandela
	Ingxenywe engezansi	25–27	19–21	13–15	7–9	0–3
		-Iimpindulo yinhle kakhulu kepha intula izimpawu ze-eseyi enembayo -Imibono ekumbisa ukuvuthwa komqondo kanye nokukhalipha -Ikumbisa ikhono lokuhlela kanye nokulandela (nokuxhumana) kubandakanya isingeniso, umzimba kanye nesiphetho	-Iimpindulo yakheke kahle -Imibono ehambisanayo nendaba nehlabahlosile -Ihleleke kahle kakhulu kanye nokulandela (nokuxhumana) kubandakanya isingeniso, umzimba kanye nesiphetho	-Iimpindulo enembayo kodwa intula ukucacisa -Imibono iyalandela ngokusendimeni futhi iyamukeleka -Kukhona okukhomba ukuhlela kanye nokulandela (nokuxhumana) kubandakanya isingeniso, umzimba kanye nesiphetho	-Iimpindulo engashayi emhloveni -Imibono ithanda ukuba nhlakanhlaka futhi iyadida -Ukuhlela kanye nokulandela akukho	-Ayikho imizamo ekumbisa ukuphendula ngesihloko -Akukhambisani nesihloko futhi akufanelene -Akuqondene nesihloko futhi kuphithene



AMARUBHRIKHI OKUHLOLA I-SEYI: ULIMI LOKUQALA LOKWENGEZA [AMAMAKI ANGAMA-50] (kuyaqhubeka)

Okungabonwa ngakho		Okungavamile	Okunekhono	Okusendimeni	Okuqalisayo	Okunganelisi
ULIMI, ISITAYELA NOKULUNGISA AMAPHUTHA Ithoni, irejista, isitayela, ulwazimagama luyahambisana nenhloso/umthelela nesimo Ukukhethwa kwamagama, ukusetshenziswa kolimi, izimpawu zokuloba, uhlelo, isipelingi. AMAMAKI AYI-15	Ingxenye engenihla	14–15 -Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Ulimi lukhombisa ukuzethemba, luyancomeka kakhulu -Ithoni ekhomba ukuphoqa kanye namasu obuciko obunembayo -Akunamaphutha nhlobo ohlelweni kanye nesipelingi -Ikhombise ikhono eliphezulu lokubumba	11–12 -Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Ulimi lufanelekile kanye nokusetshenziswa kwethoni ngendlela efanelekile -Kukhombisa ukungabi namaphutha amaningi ohlelweni kanye nesipelingi -Ibumbeke kahle kakhulu	8–9 -Ithoni, irejista, isitayela, ulwazimagama kuhambisana nenhloso, izethameli kanye nesimo -Ukusetshenziswa kolimi ukudlulisa umqondo -Ithoni ifanelekile -Kusetshenziswe amasu obuciko ukukhulisa okuqukethwe	5–6 -Ithoni, irejista, isitayela, ulwazimagama kuhambisana ngokungagculisi nenhloso, izethameli kanye nesimo -Ukusetshenziswa kolimi ukudlulisa umqondo akugculisi -Ithoni nephimbo akugculisi -Kusetshenziswe amasu obuciko ngokungagculisi ukukhulisa okuqukethwe	0–3 -Ulimi aluqondakali -Ithoni, irejista, isitayela kanye nolwazimagama aluhambisani nenhloso, izethameli kanye nesimo -Ulwazimagama luncane kakhulu okwenza kube lukhuni ukuqonda
		13 -Ulimi lukhombisa ukuzethemba, luyancomeka kakhulu -Akunamaphutha ohlelweni kanye nesipelingi -Ikhombise ikhono eliphezulu lokubumba	10 -Ulimi luyahambisana futhi lufanelekile -Ithoni iyahambisana futhi ifanelekile -Kunamaphutha ambalwa ohlelo kanye nesipelingi -Ibumbeke kahle	7 -Ukusetshenziswa kolimi okusendimeni nokungahlangani okumbalwa -Ithoni ifanelekile kanye nokusetshenziswa kwamasu obuciko okunomkhawulo	4 -Ukusetshenziswa kolimi okungekho endimeni -Imisho enhlobonhlobo imbalwa noma ayikho -Ulwazimagama olunomkhawulo	
	Ingxenye engezansi	5 -Ukuthuthuka kwesihloko okunembayo -Ukucacisa okunembayo -Imisho, izigaba kwakheke kahle kakhulu	4 -Ukuthuthuka nokugeleza kwendaba -Ukulandelana -Imisho, izigaba kuyalandelana futhi kuxubile	3 -Ukuthuthuka kwendaba okulindelekile -Imisho, izigaba kwakheke kahle -I-eseyi isenawo umqondo	2 -Amaphuzu ambalwa azwakalayo -Imisho kanye nezigaba kunamaphutha -I-eseyi isenawo umqondo noma inamaphutha	0–1 -Amaphuzu awatholakali -Imisho kanye nezigaba kunamaphutha -I-eseyi ayinamqondo
ISAKHIWO Izimpawu zethekisthi, ukuthuthuka kwezigaba nokwakhiwa kwemisho. AMAMAKI AYISI-5						

Amakhodi Okuqopha Amamaki Kulesi Sigaba:

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha
- HL: Ukuhlela

Amakhodi azosetshenziswa uma kumakwa:

- QHL = 30
- LSP = 15
- SK = 05



Amakhodi azosetshenziswa uma kumakwa:

SP – (dwebela)-isipelingi esingamukelekile.
PH – uphawu lokubhala olungamukelekile.
L – (dwebela)- ulimi olungamukelekile.
// – khombisa isigaba esisha.
NK – inkathi engamukelekile.
GL – amagama awalandelani ngokufanele.
R – irejista.
KM – akwenzi umqondo.
ISIV. – isivumelwano esingavumelani.
AK – akudingekile.
^ – kunegama elingekho.
GN – igama elingcono.
/ – ukwehlukanisa amagama
() – ukuhlunganisa amagama
PP – ukuphindaphinda amagama

OKULINDELEKILE MAYELANA NESAKHIWO SEMIBHALO (ISIQEPHU A)

- Isingeniso: Siyaheha, siyisigaba esisodwa, singenisa indikimba.
- Umzimba: (i) Izigaba zinemiqondo ezwakalayo nenikezelanayo.
(ii) Izigaba zihleleke kahle/umqondo osekelayo.
(iii) Umbhalo nombhalo mawuhambelane nenkathi okumele ubhalwe ngayo.
- Isiphetho: (i) Siyisigaba esisodwa.
(ii) Makuvele ukuthi umbhalo usuyagoqwa noma uyasongwa.
(iii) Selungavela uvo lombhali ngalokho abhala ngakho okungaba ukuxwayisa/ukweluleka/ukuxolisa/ukuphosa inselelo.

QAPHELA: Kweqiwa umugqa owodwa phakathi kwezigaba.

OKULINDELEKILE MAYELANA NEZIHLOKO ZEZINDABA (ISIQEPHU A)

1.1 Bavele baphela nya ubuthongo

Izimpendulo zingathinta amaphuzu alandelayo:

- Bhala ngenkathi exubile.
 - Kwakunini, kuphi?
 - Yini eyakwenza waphelwa ubuthongo?
 - Kwagcina kwenzekeni?
 - Indaba ayinamathele esihlokweni.
- (Nokunye okuhambisana nesihloko)

[50]

1.2 Le nto angisoze ngayikhohlwa impilo yami yonke

Izimpendulo zingathinta amaphuzu alandelayo:

- Ungabhala ngenkathi exubile.
 - Yini le nto angisoze ngayikhohlwa?
 - Chaza ngokucacile ukuthi kungani ungasoze wayikhohlwa.
 - Indaba ayinamathele esihlokweni.
- (Nokunye okuhambisana nesihloko)

[50]

1.3 Ngavele ngabona ngezithombe

Izimpendulo zingathinta amaphuzu alandelayo:

- Bhala ngenkathi exubile.
 - Isingeniso asihlaziye isihloko.
 - Chaza kabanzi ngalokhu okulandelayo:
 - Izithombe wazibona kuphi?
 - Zazithunyelwe ngubani?
 - Chaza ukuthi wenzenjani emveni kokubona lezo zithombe.
 - Yisiphi isinqumo owasithatha?
 - Indaba ayinamathele esihlokweni.
- (Nokunye okuhambisana nesihloko)

[50]

1.4 Ubuhle nobubi bokuqasha amalungu omndeni ebhizinisini

Izimpendulo zingathinta amaphuzu alandelayo:

- Ungabhala ngenkathi exubile.
- Veza amaphuzu aqhathanisayo.

Ubuhle:

- Amaphuzu awaveze ubuhle kanye nobufakazi obesekelayo.

Ububi:

- Amaphuzu awaveze ububi kanye nobufakazi obesekelayo.
 - Indaba ayinamathele esihlokweni
- (Nokunye okuhambisana nesihloko)

[50]

1.5 **Kukhona abantu abangeke bashintshe noma ngabe isimo sinjani**

Izimpendulo zingathinta amaphuzu alandelayo:

- Ungabhala ngenkathi exubile.
- Isingeniso masiveze uhlangothi ohambisana nalo (ukuvumelana noma ukuphikisana).

Amaphuzu avumelana noma aphikisana nesihloko:

- Yethula amaphuzu asekela umbono wakho.
- Isigaba nesigaba asigqamise iphuzu elihamba phambili bese wenaba ngalo.
- Indaba ayinamathele esihlokweni.
(Nokunye okuhambisana nesihloko)

[50]

1.6 **Isithombe**

Nikeza indaba isihloko esiyifanele.

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni.

QAPHELA: Amaphuzu angehluka kuye ngesihloko esibhaliwe.

[50]

1.7 **Isithombe**

Nikeza indaba isihloko esiyifanele.

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni.

QAPHELA: Amaphuzu angehluka kuye ngesihloko esibhaliwe.

[50]

1.8 **Isithombe**

Nikeza indaba isihloko esiyifanele.

Izihloko ziyokwehluka:

Izimpendulo zingathinta amaphuzu alandelayo:

- Ungabhala ngenkathi exubile.
- Isihloko masihambisane nokuqukethwe isithombe.
- Indaba ayinamathele esihlokweni.

QAPHELA: Amaphuzu angehluka kuye ngesihloko esibhaliwe.

[50]

AMAMAKI ESIQEPHU A: 50

ISIQEPHU B: AMARUBHIKHILOKUHLOLA UMBHALO OMUDE ODLULISA UMYALEZO: ULIMI LOKUQALA LOKWENGEZA [AMAMAKI ANGAMA-30]

Okungabonwa ngakho	Okungavamile	Okunekhono	Okusendimeni	Okuqalisayo	Okunganelisi
OKUQUKETHWE, UKUHLELA NESAKHIWO Impendulo nemibono, ukudidiyelwa kwemibono ngenhloso yokuhlela. Inhloso, izethameli, izakhiwo nezimiso kanye nesimo. AMAMAKI AYI-18	15–18 -Impendulo enembayo ngaphezu kobekulindelekile -Amasu akhaliphile kanye nokuvuthwa komqondo -Ulwazi olubanzi lwezimpawu zohlobo lombhala -Umbhalo unamathele esihlokweni -Amasu akhombisa ukuthelelana kanye nokulandelana -Acacisa ngokusobala kanye nokusekela isihloko -Isakhiwo esifanele nesicacile	11–14 -Impendulo efanelekile ekhombisa ulwazi lwezimpawu zohlobo lombhala -Inamathele esihlokweni -Akukho ukunhlanhlatha -Ukulandelana kokuqukethwe nemibono, kuchazwe kahle futhi kusekela isihloko -Isakhiwo esifanele esinamaphushana	8–10 -Impendulo esendimeni ekhombisa ulwazi lwezimpawu zohlobo lombhala -Ayinamathele kahle esihlokweni -Kunokunhlanhlatha okuncane. -Ukulandelana kwemibono okuqukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa kunamaphutha ambalwa	5–7 -Impendulo esezingeni eliyisisekelo ekhombisa ulwazi lwezimpawu zohlobo lombhala -Ukunamathela esihlokweni kuyabonakala kodwa kunokunhlanhlatha -Ukulandelana kwamaphuzu okuqukethwe kubuye kungabonakali -Ukuchaza okuncane kakhulu okusekela isihloko -Usebenzise ngokunganele imithetho yesakhiwo -Kukhona okumbalwa okubalulekile	0–4 -Impendulo ikhombisa ukungabi nalo ulwazi lwezimpawu zohlobo lombhala -Umqondo ufiphele ngenxa yokunhlanhlatha okukhulu. -Imibono ayilandelani nhlobo -Ukuchaza okungenelisi okusekela isihloko -Akasebenzisanga nhlobo imithetho yesakhiwo
ULIMI, ISITAYELA NOKULUNGISA AMAPHUTHA Ithoni, irejista, isitayela, inhloso/umthelela, izethameli nesimo Ukusetshenziswa kolimi kanye nezimiso Ukukhethwa kwamagama lizimpawu zokuloba nesipelingi. AMAMAKI AYI-12	10–12 -Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lolimi lufanelekile futhi lwakheke kahle kakhulu -Akunamaphutha nhlobo.	8–9 -Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lolimi lufanelekile futhi lwakheke kahle -Ulwazimagama oluhle kakhulu -Akunamaphutha amaningi	6–7 -Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa ohlelo lolimi. -Ulwazimagama olwanele -Amaphutha awawuphazamisi umqondo.	4–5 -Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo lolimi olungafanelekile olunamaphutha amaningi -Ulwazimagama olunganele -Umqondo ufiphele.	0–3 -Ithoni, irejista, isitayela kanye nolwazimagama akuhambisani nenhloso, izethameli kanye nesimo -Kugcwele amaphutha futhi kuyadida -Ulwazimagama aluhambisani nenhloso -Umqondo uyanhlanhlatha kakhulu

Amakhodi Okuqopha Amamaki Kulesi Sigaba:

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha

Amakhodi azosetshenziswa uma kumakwa:

- QSK = 18
- LSP = 12

OKULINDELEKILE:

2.1 INCWADI YOBUNGANI

- Ikheli lobhalayo malibe sesandleni sokudla lihambisane nosuku olugcwele, Isib. (25 Mfumu 2024/25 Okthoba 2024).
- Obhalelwayo makabungelelwe ngolimi olukhombisa ubungani: Isib. Thenjiwe/Mngani wami.
- **Isingeniso:** Isigaba esifushane: umfundi akakhombise ukuthi bayazana nomngani wakhe.
- **Umzimba:** Isigaba sesibili: umfundi akabhale izizathu ezimenze wabhala incwadi.
- Isigaba sesithathu: umfundi akenabe ngalokhu abhale ngakho esigabeni sesibili.
- Sebenzisa ulimi oluzwakalayo noluhambisana nombhalo.
- **Isiphetho:** Isigaba sokugcina esifishane: akakhonze, abonge noma adlulise umyalezo.
- **Isivaleliso:** Masikhombise ubungani: Yimina umngani wakho u-Amanda

Amagama awabe inani elifanele.

[30]

2.2 I-AJENDA NAMAMINITHI OMHLANGANO

Kumele kube nalezi zihlokwana ezilandelayo:

I-Ajenda

- Izihloko ze-Ajenda:
 - Usuku.
 - Isikhathi.
 - Indawo.
 - Ukuvula nokwamukela.
 - Abakhona.
 - Abaxolisile nabangekho.
 - Ukufundwa kwamaminithi.
 - Ezivuka emaminithini.
 - Ezintsha/ezosuku/amaphuzu abazokhuluma ngawo.
 - Izinqumo/Izincomo.
 - Ezixubile.
 - Ukuvala.

Amaminithi Omhlangano.



- Awabhalwe abe senkathini edlule.
- Awabhalwe alandele uhlu lwezihloko eziku-ajenda.
- Sebenzisa ulimi oluzwakalayo noluhambisana nombhalo.
- Okulindelekile: Isibonelo:
Isihloko: Umhlangano Womndeni nezihlobo.
Usuku: 15 Juni 2024.
Isikhathi: Ngehora le-7:30 ekuseni.
Indawo: Ekhaya elikhulu kwaMthiyane.

Ukuvula:  USihlalo ubaba uMthiyane wamukele lonke uzalo wase evula ngomthandazo.

Abakhona: Omama, obaba bakwaMthiyane nabakwaHlophe, izingane nabazukulu.

Abaxolisile nabangekho: Ugogo (uMaHlophe) nomkhulu uMthiyane.
Ukufundwa kwamaminithi: Afundwa nguNobhala.
Ezivuka emaminithini: Azikho.
Ezintsha/ezosuku/ amaphuzu abazokhuluma ngawo:
- Uhambo lwaseMelika.
- Indlela okuzokhokhwa ngayo.

Izinqumo/Izincomo: - Ukukhethwa kwabazohlela wonke amalungiselelo ohambo.

Eziqwayelekile/Ezixubile: - Ukwenzela umkhulu nogogo umcimbi wokubabonga.

Ukuvala: USihlalo ubonge lonke uzalo ngokubambisana wase evala umhlangano ngehora le-4 ntabama.

Amagama awabe inani elifanele.

[30]

2.3 INKULUMO-MPENDULWANO/INGXOXO

- Bhala ngenkathi efanele.
- Isethulo (Bhala ukuthi ubani, ukhuluma nobani nokuthi bakuphi.)
- Sebenzisa izimpawu ezifanele.
- Bhala amagama abakhulumayo esandleni sokunxele.
- Sebenzisa ulimi oluzwakalayo noluhambisana nombhalo.
- **Isingeniso:** Ukubingelelana nokwethula isihloko.

Umzimba:

- Abakhulumayo (kuyancomeka ukuba ubanike amagama).
 - Ingxoxo mayikhombise ukuthuthuka ize iyofika esicongweni.
 - **Isiphetho:** Ukugqoka kwenkulumo, ukubonga nokuvalelisana.
- Amagama awabe inani elifanele.

[30]

2.4 I-IMEYILI

- Akuvele ikheli noma igama lobhalelwayo (Isib. Melo Putin/melop@gmail.com).
 - Isihloko.
 - Isibingelelo.
 - Impendulo ehambisana nokuqukethwe yi-imeyili oyitholile; Isibonelo, ukwenaba ngokuvuma noma ngokuxolisa ngesicelo sikaMelo.
 - Isiphetho.
 - Isivaleliso masikhombise ukuthi impendulo ivela kuHelen Nzama.
- Amagama awabe inani elilanele.

[30]



AMAMAKI ESIQEPHU B: 30

ISIQEPHU C: AMARUBHUKHLOKUHLOLA UMBHALO OMFISHANE ODLULISA UMYALEZO: ULIMI LOKUQALA LOKWENGEZA [AMAMAKI ANGAMA-20]

Okungabonwa ngakho	Okungavamile	Okunekhono	Okusendimeni	Okuqalisayo	Okunganelisi
OKUQUKETHWE, UKUHLELA NESAKHIWO Impendulo nemibono, ukudidiyelwa kwemibono ngenhloso yokuhlela. Izimpawu/izimiso nesimo. AMAMAKI AYI-12	10–12 -Impendulo enembayo ngaphezu kobekulindelekile -Amasu akhaliphile kanye nokuvuthwa komqondo -Ulwazi olubanzi lwezimpawu zohlobo lombhalo -Umbhalo unamathele esihlokweni -Amasu akhombisa ukuthelelana kanye nokulandelana -Acacisa ngokusobala kanye nokusekela isihloko -Isakhiwo esifanele nesicacile	8–9 -Impendulo efanelekile ekhombisa ulwazi lwezimpawu zohlobo lombhalo -Inamathele esihlokweni -Akukho ukunhlanhlatha -Ukulandelana kokuqukethwe nemibono, kuchazwe kahle futhi kusekela isihloko -Isakhiwo esifanele esinamaphushana	6–7 -Impendulo esendimeni ekhombisa ulwazi lwezimpawu zohlobo lombhalo -Ayinamathele kahle esihlokweni -Kunokunhlanhlatha okuncane -Ukulandelana kwemibono okuqukethwe kufanelekile -Ukuchaza okumbalwa kusekela isihloko -Isakhiwo esifanelekile kodwa esinamaphutha ambalwa	4–5 -Impendulo esezingeni eliyisisekelo ekhombisa ulwazi lwezimpawu zohlobo lombhalo -Ukunamathela kuyabonakala kodwa kunokunhlanhlatha -Ukulandelana kwamaphuzu okuqukethwe kubuye kungabonakali -Ukuchaza okumbalwa kusekela isihloko -Usebenzise imithetho yesakhiwo ngokungafanele -Kukhona okumbalwa okubalulekile	0–3 -Impendulo ikhombisa ukungabi nalo ulwazi lwezimpawu zohlobo lombhalo -Umqondo ufiphele ngenxa yokunhlanhlatha okukhulu -Imibono ayilandelani nhlobo -Ukuchaza okumbalwa okusekela isihloko -Akasebenzisanga nhlobo imithetho yesakhiwo
ULIMI, ISITAYELA NOKULUNGISA AMAPHUTHA Ithoni, irejista, isitayela, inhloso/umthelela, izethameli nesimo Ukusetshenziswa kolimi nezimiso Ukukhethwa kwamagama, izimpawu zokuloba nesipelingi. AMAMAKI AYISI-8	7–8 -Ithoni, irejista, isitayela, ulwazimagama kuhambisana kahle kakhulu nenhloso, izethameli kanye nesimo -Uhlelo lolimi lufanelekile futhi lwakheke kahle kakhulu -Akunamaphutha nhlobo	5–6 -Ithoni, irejista, isitayela, ulwazimagama kuhambisana kahle nenhloso, izethameli kanye nesimo -Uhlelo lolimi lufanelekile futhi lwakheke kahle -Ulwazimagama oluhle -Akunamaphutha amaningi.	4 -Ithoni, irejista, isitayela, ulwazimagama kuyahambisana nenhloso, izethameli kanye nesimo -Kunamaphutha ambalwa -Ulwazimagama olusendimeni -Amaphutha awawuphazamisi umqondo	3 -Ithoni, irejista, isitayela, ulwazimagama kunokungahambisani nenhloso, izethameli kanye nesimo -Uhlelo lolimi olungafanelekile olunamaphutha amaningi -Ulwazimagama olunganele -Umqondo ufiphele	0–2 -Ithoni, irejista, isitayela kanye nolwazimagama akuhambisani nenhloso, izethameli kanye nesimo -Kugcwele amaphutha futhi kuyadida -Ulwazimagama aluhambisani nenhloso -Umqondo awucacile neze

Amakhodi okuqopha amamaki kulesi sigaba:

- Q: Okuqukethwe
- SK: Isakhiwo
- L: Ulimi
- ST: Isitayela
- PT: Amaphutha

Amakhodi azosetshenziswa uma kumakwa:

- QSK = 12
- LSP = 08

OKULINDELEKILE:

3.1 IKHADI LESIMEMO

- Alihambisane nohlobo lwesimemo.
- Kuyancomeka ukuba libe sebhokisini.
- Igama lomemayo nophenywayo.
- Usuku.
- Isikhathi.
- Indawo.
- Neminye imininingwane uma ikhona, isibonelo:
 - Uhlobo lwengqephu.
 - Okuphathwayo.
 - Impendulo iya kubani? (RSVP)

Amagama awabe inani elifanele.

[20]

3.2 IDAYARI

- Bhala ngenkathi efanele.
- Bhala izinto ozozenza ezinsukwini ezintathu.
- Bhala usuku nelanga.
- Bhala njengomuntu wokuqala.
- Sebenzisa ulimi oluzwakalayo noluhambisana nombhalo.
- Sebenzisa ulimi olukhululekile.
- Okuqukethwe makunamathele emyalelweni (amalungiselelo ngaphambi kokuya enyuvesi yaseKapa).

Amagama awabe inani elifanele.

[20]

3.3 IMIYALELO: IRESIPHI

- Bhala isihloko esiveza uhlobo lwebhega ozolwenza.
- Bhala izithako kanye nezikalo.
- Bhala indlela yokwenza.
- Bhala ngolimi oluhambisana nombhalo.
- Kuyancomeka ukubhala umbono wokuthi le bhega ungayidla nani.

Amagama awabe inani elifanele.

[20]

AMAMAKI ESIQEPHU C: 20
AMAMAKI ESEWONKE: 100